

Broj: 06-02-36-15/2018-11
Sarajevo, 09.05.2018. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke imenovane Rješenjem broj: 06-02-36-R-4/2018 od 12.04.2018. godine godine, sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU USLUGA – NABAVKA AVIO-KARATA ZA POTREBE GENERALNOG SEKRETARIJATA VLADE FEDERACIJE BOSNE I HERCEGOVINE

I.

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za nabavku usluga – nabavka avio-karata za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-02-36-15/2018-1, broj Obavještenja o nabavci sa portala javnih nabavki: 854-7-2-26-3-2/18 od 17.04.2018. godine, kao najbolje ocijenjena prihvatljiva ponuda je ponuda ponuđača **V.I.P. TRAVELS d.o.o. Sarajevo**, sa ukupnom cijenom ponude bez PDV-a, u iznosu 73,00 KM. Procijenjena ukupna sredstva za nabavku avio karata (nabavka avionskih karata i usluge posredovanja) iznose 36.000,00 KM bez PDV-a.

II.

Ponuđač iz tačke I. ove odluke ocijenjen je kao najpovoljniji, jer ispunjava sve uslove postavljene tenderskom dokumentacijom.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka javne nabavke, broj: 06-02-36-15/2018 od 11.04.2018. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosi 36.000,00 KM bez PDV-a. Obavijest o nabavci broj: 854-7-2-26-3-2/18 poslana je na objavu 17.04.2018. godine, te je istog dana objavljena na portalu Javnih nabavki.

Tendersku dokumentaciju preuzelo je 8 (osam) privrednih subjekata, a 3 (tri) ponuđača dostavila su ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: V.I.P.-TRAVELS d.o.o. Sarajevo, Centrotrans-Eurolines d.d. Sarajevo i Mrkulić-Company d.o.o. Sarajevo-Ilidža.

Komisija za javne nabavke, imenovana Rješenjem, broj: 06-02-36-R-4/2018 od 12.04.2018. godine, izvršila je pregled i ocjenu ponuda, te konstatovala da je, od ukupno 3 (tri) dostavljene ponude, prihvatljiva 1 (jedna) i to ponuda ponuđača V.I.P.-TRAVELS d.o.o. Sarajevo, dok su ponude ponuđača Centrotrans-Eurolines d.d. Sarajevo i Mrkulić-Company d.o.o. Sarajevo-Ilidža (p.j. Hollywood Travel) ocijenjene kao neprihvatljive.

Ponuda ponuđača Centrotrans-Eurolines d.d. Sarajevo odbačena je iz sljedećih razloga:

- U Tenderskoj dokumentaciji, tačka 3.3. Ekonomska i finansijska sposobnost (član 47. tačke a) i c) Zakona, kao dokaz za solventnost ponuđača se zahtijevala:

„Potvrda poslovne banke o solventnosti ponuđača, odnosno da u proteklih 12 (dvanaest mjeseci), uključujući i datum objavljivanja Obavještenja o nabavci (17.04.2018. godine), transakcijski račun ponuđača nije bio blokiran.”

Ponuđač Centrotrans-Eurolines d.d. Sarajevo dostavio je Potvrdu o solventnosti računa izdatu od strane UniCredit Bank d.d., broj: 06-03-S-106/18 od 17.04.2016. godine, da račun ponuđača nije bio blokiran u posljednjih 6 (šest) mjeseci.

Komisija iz priloženog dokaza može utvrditi da transakcijski račun Ponuđača nije bio blokiran samo u proteklih 6 (šest) mjeseci. Dostavljena potvrda ne obuhvata 12 (dvanaest) proteklih mjeseci kao što je traženo Tenderskom dokumentacijom.

Ponuda ponuđača Mrkulić-Company d.o.o. Sarajevo-Ilidža (p.j. Hollywood Travel) odbačena je iz sljedećih razloga:

- U Tenderskoj dokumentaciji, tačka 3.3. Ekonomska i finansijska sposobnost (član 47. tačke a) i c) Zakona, kao dokaz za solventnost ponuđača se zahtijevala:

„Potvrda poslovne banke o solventnosti ponuđača, odnosno da u proteklih 12 (dvanaest mjeseci), uključujući i datum objavljivanja Obavještenja o nabavci (17.04.2018. godine), transakcijski račun ponuđača nije bio blokiran.”

Ponuđač Mrkulić-Company d.o.o. Sarajevo-Ilidža (p.j. Hollywood Travel) dostavio je Potvrdu o solventnosti klijenta izdatu od strane ProCredit Bank d.d. Sarajevo, broj: 01-0-7120/17 od 15.09.2017. godine da račun ponuđača nije bio blokiran u periodu posljednjih 6 (šest) mjeseci i Potvrdu o solventnosti klijenta izdatu od strane ProCredit Bank d.d. Sarajevo, broj: 01-0-1407/18 od 02.03.2018. godine da račun ponuđača nije bio blokiran u periodu posljednjih 6 (šest) mjeseci. Komisija iz priloženih potvrda ne može utvrditi da transakcijski račun Ponuđača nije bio blokiran u periodu 02.03.-17.04.2018. godine. Potvrde ne uključuju datum 17.04.2018. godine kada je objavljeno Obavještenje o nabavci.

- U Tenderskoj dokumentaciji tačka 3.4. Tehnička i profesionalna sposobnost (čl. 48 i 50. Zakona) tražen je dokaz o posjedovanju dozvole za pristup jednom od vodećih međunarodnih rezervacionih sistema (GDS-Global Distribution System) ili drugi dokaz iz koga se vidi da ponuđač koristi rezervacioni sistem (izdat od strane ovlaštenog lica) u originalu ili kopiji ovjerenoj od strane nadležnog organa. Datum izdavanja originala ne smije biti stariji od 3 (tri) mjeseca računajući od dana dostavljanja ponude.

Ponuđač Mrkulić-Company d.o.o. Sarajevo-Ilidža (p.j. Hollywood Travel) dostavio je Pretplatnički ugovor sklopljen sa Amadeus BH d.o.o. za marketing („Amadeus“), broj:47/14-UG od 29.10.2014. godine, što nije u skladu sa traženim dokazom, datum izdavanja originala je stariji od 3 (tri) mjeseca od datuma dostavljanja ponude (datum dostavljanja ponude je 27.04.2018. godine).

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-02-36-15/2018-10 od 08.05.2018. godine i

preporuku o izboru najpovoljnijeg ponuđača V.I.P.-TRAVELS d.o.o. Sarajevo, sa registriranim sjedištem u ulici Zelenih beretki bb, 71000 Sarajevo, ID: 4200322600007, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14), podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu ugovornom organu – Generalnom sekretarijatu Vlade Federacije Bosne i Hercegovine, u pisanoj formi direktno ili preporučenom poštanskom pošiljkom, u roku od 5 (pet) dana od dana prijema ove odluke.



SEKRETAR VLADE

mr.sc. Edina Kalajdžić

Dostaviti:

1. Svim ponuđačima u postupku
2. U dokumentaciju Komisije
3. Sektor za pravne i opće poslove
4. Sektor za materijalno-finansijske poslove